

Pawg Neeg Nyob Hauv Zos

Lub Nroog kuj tim pab nyiaj los txuas nrog cov neeg feem tsawg uas nyob hauv zos rau Kev Kho Daim Hom Phiaj Ntxaws (Comprehensive Plan Update)



Sua Lus

Imagine Madison. Rau coob tus neeg Madison yog ib lub nroog zoo heev, tiam sis yog tias koj ua zeem muag pom Madison uas yuav zoo zog rau koj tus kheej, koj tsev neeg, los sis koj lub lag luam no, qhov ntawd nws yuav zoo li cas? Koj cov kev cia siab txog seb Madison yuav zoo li cas rau cov neeg nyob hauv yav tom ntej no nws yog dab tsi?

Madison muaj kev pauv hloov ntau yam, thiab nws yog ib qho tseem ceeb uas tag nrho cov neeg nyob hauv Madison los koom tes rau txoj kev sib tham txog lub neej yav tom ntej rau peb lub zej zos. Lub Nroog Lub Caj Meem Npaj (Planning Division) yuav coj txoj hau kev hu ua Imagine Madison kom los nkag siab zoo zog txog seb dab tsi yog qhov tseem ceeb rau txhua feem ntawm peb cov neeg. Imagine Madison yuav pab peb kho Lub Nroog Daim Hom Phiaj Ntxaws - ib daim ntawv uas ntsuam xyuas txog cov teeb meem uas lub zos sam sim ntsib, los sis tej zaum yuav ntsib li ntawm 10-20 xyoo tom ntej no, hais txog vaj tse, tsheb thauj mus los, txhim kho kev khwv nyiaj thiab siv nyiaj (economic development), thiab lwm yam uas muaj feem raug rau lub neej txhua hnuv hauv Madison (saib Daim Ntawv Nrog A).

Yuav kom peem tsheej tias tag nrho cov neeg nyob hauv Madison hnov txog tus txheej txheem ua no, Lub Nroog sam sim nrhiav kev koom tes nrog thiab pab nyiaj rau cov koom haum hauv zos uas txuas rau cov cuab yig uas feem ntau tsis muaj neeg sawv cev hauv kev sib tham txog lub nroog lub neej yav tom ntej (xws li: Mis Kas Dub, Neeg Mev Latino, Neeg Hmoob, cov neeg laus, thiab cov neeg uas tau nyiaj tsawg). Nrog kev pab los ntawm Cov Koom Haum Hauv Zej Zos Los Muab Kev Koom Tes, Lub Nroog vam tias txoj kev raus tes nws yuav mus deb thiab dav nrog cov cuab yig no thiab txhim kho cov kev tau ua yav dhau los kom txhua tus muaj feem rau hauv txoj kev sib tham. Yuav kom ua tau qhov no tiav, peb tab tom sim ib yam tshiab - Cov Pab Pawg Neeg Nyob Hauv Nroog - kom peem tsheej tias muaj ntau lub suab tawm tuaj.

Thov xav txog qhov uas los koom tes rau hauv ib qho hwm tsam tshwj xeeb zoo li no. Nws yooj yim heev - cia li teb Tsab Ntawv Txaus Siab (LOI) uas nyob rau tom kawg hauv daim ntawv no (Daim Ntawv Nrog B) thiab xa mus rau City of Madison Planning Division tsis pub dhau kaum ob teev tav su nyob rau Lub Kaum Ib Hlis Ntuj Tim 23, 2016.

Xav paub ntxiv? Mus koom cov rooj sib tham uas qhia ntxiv nyob rau hnuv Zwj Teeb (Thursday), Lub Kaum Ib Hli Ntuj Tim 10 thaum 11:00 txog kaum ob teev tav su. Lub rooj sib tham no mas nyob ntawm yeem xwb thiab yuav muaj nyob rau hauv Madison Municipal Building (215 Martin Luther King, Jr. Blvd.), Chav 260. Koj tseem yuav hu tau rau Kirstie Laatsch ntawm tus xov tooj (608.243.0470) los sis email rau (imaginemadison@cityofmadison.com).

Lub Ntsiab Ntawm Pab Pawg Neeg Nyob Hauv Nroog

Pab Pawg Neeg Nyob Hauv Nroog yog dab tsi? Ib Pab Pawg Neeg Nyob Hauv Nroog yog ib pawg neeg uas muaj 10-15 leeg uas sawv cev ib feem ntawm Madison cov neeg. Qhov xav tau yog kom tib pawg neeg no tuaj sib ntsib yam tsawg peb (3) zaug thaum lub sij hawm tseem ceeb hauv Imagine Madison tus txheej txheem ua los ntxiv lawv cov suab rau lub zej zos qhov kev sib tham. Pab Pawg Neeg Nyob Hauv Nroog cov rooj sib tham yuav muaj kev sib tham tob txog ntau yam teeb meem xws li tsheb thauj mus los, vaj tse, cov tiaj ua si thiab cov chaw qhib lug, txhim kho kev khwv nyiaj thiab siv nyiaj thiab lwm cov ntsiab lus uas yuav tham txog hauv Kev Kho Daim Hom Phiaj Ntxaws.



Yuav Teeb Tsab Pab Pawg Neeg Nyob Hauv Nroog li cas? Lub Nroog xav koom tes nrog cov koom haum hauv zej zos los sis cov koom haum uas muaj kev sib txuas zoo nrog rau ib pawg neeg uas tsis muaj neeg sawv cev txaus. Cov neeg koom no yuav muaj txoj dej num los nrhiav thiab xaiv cov neeg los ua lawv tus neeg sawv cev hauv Pab Pawg Neeg Nyob Hauv Nroog.

Yuav xav kom tau dab tsi?

Cov Koom Haum Hauv Zej Zos Los Muab Kev Koom Tes yuav ua tus txuas lus ntawm Lub Nroog cov neeg ua hauj lwm uas txhim kho Daim Hom Phiaj Ntxaws thiab cov pab pawg uas tsis muaj neeg sawv cev txaus uas peb xav kom lawv los muab kev raus tes. Cov Koom Haum Hauv Zej Zos Los Muab Kev Koom Tes yuav nrhiav cov neeg hauv nroog los sawv cev hauv cov Pab Pawg Neeg Nyob Hauv Nroog, tswj cov rooj sib tham (tej zaum yuav muaj xws li xauj chaw sib tham, npaj khoom noj, nrhiav neeg zov me nyuam, npaj tsheb thauj mus los, nrhiav neeg txhais lus, npaj phaj tshab rau kev tuaj koom, lwm yam zoo li no), los pab coj Cov Pab Pawg Neeg Nyob Hauv Nroog cov rooj sib tham (nrog kev txhawb nqa los ntawm Lub Nroog cov neeg ua hauj lwm los sis cov neeg coj uas txawj ntse yog tias thov txog), thiab qhia txog qhov uas sib tham xaus li cas rau Lub Nroog cov neeg ua hauj lwm. Thaum xaiv tau lawm, Cov Koom Haum Hauv Zej Zos Los Muab Kev Koom Tes yuav tau kev cob qhia txog kev coj cov kev sib tham, Imagine Madison tus txheej txheem ua, Lub Nroog Madison cov teeb meem tam sim no, thiab kev qhia txog seb pab pawg neeg xaus lus li cas thiab qhov uas xav tau. Cov kuj pwm uas Cov Koom Haum Hauv Zej Zos Los Muab Kev Koom Tes xaiv los ua kom cov neeg muab kev raus tes rau hauv Pab Pawg Neeg Nyob Hauv Nroog mas ua li cas los tau, tiam sis nram qab no yog cov kev tshab txhais txog qhov uas yuav tsum tau ua los ntawm Cov Koom Haum Hauv Zej Zos Los Muab Kev Koom Tes.

1. Tuaj koom cov rooj sib tham nram qab no nrog Lub Nroog cov neeg ua hauj lwm:
 - Ib (1) lub rooj qhia kom paub
 - Peb (3) lub rooj sib tham nrog Lub Nroog cov neeg ua hauj lwm thiab lwm Cov Koom Haum Hauv Zej Zos Los Muab Kev Koom Tes uas tau pab nyiaj los tswj txhua them hauv tus txheej txheem ua raws li tshab txhais hauv qab no.
2. Tswj tag nrho peb (3) lub rooj sib tham ntawm Pab Pawg Neeg Nyob Hauv Nroog hais txog peb ntu hauv tus txheej txheem ua.
 - *Lub Rooj Sib Tham 1: Peb mus rau qhov twg?*
 - *Kawm txog cov kev loj hlob tam sim thiab tom ntej no thiab cov yam ntxwv ntawm Madison.*
 - *Peb puas tau txheeb xyuas tau cov teeb meem hauv Madison uas muaj feem rau koj? Peb puas tshuav dab tsi uas tsis tau hais txog?*
 - *Peb yuav teeb tsa cov hom phiaj li cas los hais txog cov teeb meem no?*
 - *Lub Rooj Sib Tham 2: Peb yuav mus txog qhov ntawd li cas?*
 - *Peb yuav tau ua dab tsi thiaj li mus txog peb cov hom phiaj uas sib koom ua ke?*
 - *Koj lub tswv yim loj rau Madison yog dab tsi? Koj lub tswv yim me yog dab tsi?*
 - *Koj thiab lwm tus koj paub yuav pab tau li cas kom mus txog peb cov hom phiaj?*
 - *Lub Rooj Sib Tham 3: Dab tsi ua ntej?*
 - *Koj xav kom daws cov teeb meem twg ua ntej?*
 - *Lub Nroog ua tau yam twg tam sim no kom muaj kev pab tau zoo tam sim no?*
 - *Koj xav koom tes li cas hauv txoj kev siv cov uas tseem ceeb no?*
3. Npaj ib qho kev ntsuam xyuas thaum tus txheej txheem xaus los pab txhim kho txoj kev npaj rau yav tom ntej no. Lub Nroog cov neeg ua hauj lwm yuav muab ib daim qauv ua piv txwv.
4. Tham qhia rau cov neeg uas koj lub koom haum ua hauj lwm nrog hais txog cov hwv tsam zoo los muab kev raus tes rau hauv tus txheej txheem ua, xws li mus koom lwm cov rooj sib tham hauv zej zos, koom hauv online, lwm yam zoo li no

Lub Sij Hawm nws zoo li cas?

Peb lub rooj sib tham (qhov tsawg) ntawm Pab Pawg Neeg Nyob Hauv Nroog mas yuav ncaj rau cov ntu loj hauv Imagine Madison thiab xav tias yuav tshwm sim thoob plaws hauv xyoo 2017, uas thawj lub rooj sib tham yuav muaj rau yav ntxov hauv xyoo 2017. Daim ntawv qhia sij hawm ntxaws zog muaj nyob rau nram qab no.

Tsab Ntawv Txaus Siab (LOI)

Tso tawm daim ntawv Nqua Hu Cov Koom Haum Hauv Zej Zos Los Muab Kev Koom Tes.....	Lub Kaum Hli Ntuj Tim 31, 2016
Lub rooj sib tham qhia rau Cov Koom Haum Hauv Zej Zos Los Muab Kev Koom Tes uas txaus siab (tsis tuaj los tau).....	Lub Kaum Ib Hlis Ntuj Tim 10, 2016
Sij hawm xaus rau qhov kev xa tsab ntawv LOI tuaj.....	Lub Kaum Ib Hlis Ntuj Tim 23, 2016
Lub Nroog xaiv Cov Koom Haum Hauv Zej Zos Los Muab Kev Koom Tes.....	lub as thiv ntawm Lub Kaum Ib Hlis Ntuj Tim 28, 2016

Tsab Ntawv Qhia Txog Kev Nkag Siab (MOU)

Tsim daim MOU nrog Cov Koom Haum Hauv Zej Zos Los Muab Kev Koom Tes uas raug xaiv.....	Lub Kaum Ob Hlis Ntuj 2016
--	----------------------------

Pwv xyaum + Kev saib xyuas

Lub rooj sib tham Qhia/Pwv Xyaum rau Cov Koom Haum Hauv Zej Zos Los Muab Kev Koom Tes (yuav tsum tau tuaj).....	Lub Ib Hlis Ntuj 2017
Cov Koom Haum Hauv Zej Zos Los Muab Kev Koom Tes haub yaum neeg los ua ib tug hauv Pab Pawg Neeg Nyob Hauv Nroog.....	Lub Ib Hlis Ntuj 2017

Pab Pawg Neeg Nyob Hauv Nroog Cov Rooj Sib Tham

Lub Rooj Sib Tham 1: Peb mus rau qhov twg?.....	Lub Ib Hlis Ntuj/Lub Ob Hlis Ntuj 2017
Lub Rooj Sib Tham 2: Peb yuav mus txog qhov ntawd li cas?.....	Lub Tsib Hlis Ntuj/Lub Rau Hli Ntuj 2017
Lub Rooj Sib Tham 3: Dab tsi ua ntej?.....	Lub Kaum Hli Ntuj/Lub Kaum Ib Hlis Ntuj 2017

Xaus Lus

Xa kev ntsuam xyuas mus.....	Lub Kaum Ob Hlis Ntuj 2017-Lub Ib Hlis Ntuj 2018
Xa cov nqi kawg mus.....	Lub Kaum Ob Hlis Ntuj 2017-Lub Ib Hli Ntuj 2018

Ua ib tus neeg muab kev pab hauv lub zej zos rau Imagine Madison mus txuas ntxiv.....	Lub Kaum Ob Hlis Ntuj 2017-Lub Xya Ntuj 2018
---	--

Kev Pab Nyiaj

Yuav siv cov nyiaj li cas? Ib lub tswv yim tseem ceeb ntawm qhov kom muaj Pab Pawg Neeg Nyob Hauv Nroog yog qhov tias Cov Koom Haum Hauv Zej Zos Los Muab Kev Koom Tes nkag siab txog lawv cuab yig zoo tshaj thiab yuav pab ua tau kom lawv mob siab los koom tes, uas yeej paub zoo tias qhov no tej zaum nws yuav zoo li txawv heev rau lwm cov pab pawg. Yuav siv cov nyiaj li cas los tau los pab txhawb rau kev npaj, kev haub yaum neeg, kev tswj, thiab cov rooj sib tham ntawm Cov Pab Pawg Neeg Nyob Hauv Nroog (xauj chaw sib tham, npaj khoom noj, nrhiav neeg zov me nyuam, npaj tsheb thauj mus los, nrhiav neeg txhais lus, npaj phaj tshab kom neeg tuaj koom, lwm yam zoo li no) thaum lub sij hawm ua tus txheej txheem.

Lub Nroog npaj nqis peev tag nrho li ntawm \$50,000-\$65,000 los txhawb nqa Pab Pawg Neeg Nyob Hauv Nroog. Xav tias yuav muaj 5-10 Pab Pawg Neeg Koom Hauv Nroog yuav tau txais yam ntau kawg li ntawm \$5,000-\$10,000 rau ib Pab Pawg Neeg Nyob Hauv Nroog twg. Qhov seb muaj pes tsawg pab thiab muab nyiaj ntau npaum li cas mas nyob ntawm seb muaj pes tsawg leej teb tuaj thiab seb xaiv pes tsawg leej.

Kev Xaiv

Yuav xaiv cov ntawv thov thiab cov nqe lus sib khom txog kev them nqi mas yuav pab nyiaj raws cov hom phiaj kom los pab txhawb txoj kev koom tes kom mus deb thiab dav los ntawm cov neeg uas feem ntau tsis muaj neeg sawv cev txaus hauv Lub Nroog cov txheej txheem ua. Yuav siv cov hauv paus nram qab no:

- Ua qhia txog kev sib raug zoo nrog cov neeg Dub Mis Kas, Neeg Mev Latinos, Neeg Hmoob, cov neeg laus zog, thiab cov neeg uas tau nyiaj tsawg, los sis lwm cov pab pawg uas feem ntau tsis muaj neeg sawv cev txaus hauv Lub Nroog tus txheej txheem ua.
- Xav tias yuav tshaj tawm tau zoo mus rau cov pab pawg uas tsis muaj neeg sawv cev txaus.
- Xav tias yuav haub yaum tau cov neeg nyob hauv nroog, tswj Pab Pawg Neeg Nyob Hauv Nroog, thiab ceev txoj kev koom tes kom thoob plaws hauv xyoo 2017.
- Muaj peev xwm los koom ua ke nrog lwm pab pawg uas muab kev pab rau tej yam zoo sib xws, tshwj xeeb cov uas muaj peev xwm nrhiav tau nyiaj tsawg los sis nrhiav tsis tau nyiaj li.
- Muaj peev xwm los tsim tsab tshiab, mus ib lub qhov rooj rau ib lub qhov rooj, los sis tshaj tawm rau lub zej zos raws cuab yig.
- Muaj tswv yim zoo los ua kom muaj kev koom tes los ntawm cov pab pawg neeg uas tsis muaj neeg sawv cev txaus hauv Imagine Madison tus txheej txheem ua.

Kev xa Tsab Ntawv Txaus Siab tuaj mas yog ua kom nws yog ib txoj kev yooj yim rau neeg tuaj thov thiab txuas nrog Lub Nroog cov neeg ua hauj lwm los xyuas seb qhov twg yog qhov uas haum rau koj pab pawg cov kev xav tau. Lub Nroog cov neeg ua hauj lwm yuav ntsuam xyuas cov kev thov thiab xaiv cov uas sawv cev tau dav tshaj plaws hauv lub zej zos. Lub Nroog muaj cai txiav txim txog lwm yam ntxiv kom thiaj li yuav ua tau zoo tshaj plaws raws li cov hom phiaj rau Pab Pawg Neeg Nyob Hauv Nroog, uas tej zaum yuav muaj xws li thov cov lus qhia ntxiv los ntawm cov neeg teb tuaj los sis tshaj tawm tias txais cov ntawv thov ntxiv tom qab lub sij hawm xa ntawd xaus lawm yog tias tsim nyog.



nplooj ntawv dawb paug

Daim Ntawv Nrog A Koj Xam Pom Madison Zoo Li Cas?

Imagine Madison yog dab tsi?

Imagine Madison yog ib qho kho tshiab rau Lub Nroog Daim Hom Phiaj Ntxaws rau xyoo 2006. Nws yuav yog ib daim hom phiaj nqis tes ua rau Madison lub neej yav tom ntej uas koj txoj kev txiav txim thiab kev nqis peev mus ua ib lub nroog uas muaj kev noj qab haus huv zog, ncaj ncees thiab tswj tau.

Tau muaj dab tsi hloov txij thaum 2006 los?

Hauv 10 xyoo tas los, Madison tau ntau tshaj 20,000 tus neeg ntxiv, 13,000 lub tsev, thiab 3,500 txoj hauj lwm. Peb muaj ntau haiv neeg thiab ntau hom neeg, peb muaj coob tus kws tshaj lij uas hluas, thiab muaj ntau cov tsev neeg xauj tsev nyob. Zoo tib yam li cov neeg nyob hauv Teb Chaws Mis Kas ua ke tag nrho, cov neeg nyob hauv Madison nyob, ua hauj lwm, mus kav kiab khw, tsiv rau ub rau no, thiab sib koj txawv.


Los ntawm Imagine Madison los, cov neeg nyob hauv zos yuav pab teb tau cov nqe lus nug xws li:

Peb yuav ua li cas kom vaj tse pheej yig rau neeg yuav taus?

Peb yuav ua li cas los txhim kho kom muaj vaj huam sib luag ntawm cov haiv neeg?

Kuv cov me nyuam yuav muaj hww tsam zoo li cas yog nyob thiab ua hauj lwm hauv Madison?

Cov hauj lwm yuav nyob rau qhov twg thiab kuv yuav mus ua hauj lwm tau li cas?



Koj puas koom?

Ib Daim Hom Phiaj zoo li no yuav tsum tau muaj kev sib koom tes -- koj cov tswv yim yuav pab koj thiab kho Madison lub neej yav tom ntej no. Peb tab tom sim ib co tswv yim tshiab los rub kom cov neeg nyob hauv zos muab kev raus tes uas yuav suav lawv, muaj feem rau lawv, txhua tus paub txog, hloov yooj yim thiab lom zem.

Imagine Madison lub vas sab (website), www.imaginemadisonwi.com yog koj qhov chaw mus saib cov lus qhia tshiab txog qhov no thiab xyuas cov kev uas yuav koom tau.

Cov Ntsiab Lus Hauv Daim Hom Phiaj Ntxaws (Comprehensive Plan):



Vaj Tse



Tsheb Xa Mus Los



Txhim Kho Kev Khwv Nyiaj thiab Siv Nyiaj (Economic Development)



Kev Sib Koom Tes Los Ntawm Cov Nom Tswv



Siv Cov Av



Hluav Taws Xob, Dej, thiab Roj & Lub Zej Zos Cov Tuam Tsev



Cov Chaw Pab Txog Kev Ua Liaj Ua Teb, Nroj Tsuag Xyooob Ntoos thiab Kab Lis Kev Cai



Kev Siv

LUB CAIJ NPLOOJ NTOOS ZEEG 2016

THEEM 1: PEB MUS RAU QHOV TWG?

Peb txheeb puas tau cov teeb meem uas muaj feem?
Peb yuav tau npaj cov hom phiaj zoo li cas los hais txog cov teeb meem no?

LUB CAIJ NPLOOJ NTOOS HLAV 2017

THEEM 2: PEB YUAV UA LI CAS THIAJ MUS TXOG NTAWD?

Peb yuav ua tau cov hom phiaj nyob hauv Theem 1 li cas?

LUB CAIJ NPLOOJ NTOOS ZEEG 2017

THEEM 3: DAB TSI UA NTEJ?

Peb yuav tso cov kev ua no raws qhov tseem ceeb li cas?

LUB CAIJ NPLOOJ NTOOS HLAV 2018

THEEM 4: SOJ NTSUAM DAIM HOM PHIAJ/MUAB KEV POM ZOO

Pawg tswj hauv lub Nroog, rooj neeg saib xyuas, thiab cov neeg txiav txim los soj ntsuam daim hom phiaj.
Pawg Common Council muab kev pom zoo ua zaum kawg.

LUB SIJ HAWM

Cov Tsom Iav Coj Kev

Peb yuav siv cov tsom iav nram qab no los pib tshab txog cov teeb meem, cov hom phiaj, thiab cov kev ua:



Kev ncaj ncees




Kev noj qab haus huv



Kev tswj kom loj hlob



Peev xwm ua tau



Koj Xam Pom Madison Zoo Li Cas?



Lub Nroog Madison
Koog Npaj (Planning Division)
Tus Xov Tooj: (608) 266-4635
imaginemadison@cityofmadison.com

Website:
www.imaginemadisonwi.com

Facebook:
@ImagineMadison

Twitter:
@ImagineMsnWI